

元遺山先生全集

下函

附

新樂府四卷

元遺山先生新樂府卷第一

照陽泉山莊本校梓

讀書山房刻本

水調歌頭

少室玉華谷月夕與希顏欽叔飲醉中賦此玉華詩老宋洛陽者英劉几伯壽也劉

有二侍妾名萱艸芳艸吹笛石城瓊壁少室山三十六峯之名也

山家釀初熟取醉不論錢清溪留飲三日魚鳥亦欣然見

說玉華詩老袖有忘憂萱草牛背穩於船鐵笛久埋沒雅

曲竟誰傳坐蒼苔敲亂石耿無眠長松夜半悲嘯笙鶴

下遙天天上金堂玉室地下石城瓊壁別有一山川把酒

問明月今夕是何年

與李長源游龍門

灘聲蕩高壁秋氣靜雲林回頭洛陽城闕塵土一何深前

日神光牛背今日春風馬耳因見古人心一笑青山底未
受二毛侵 問龍門何所似似山陰平生夢想佳處留眼
更登臨我有一卮芳酒喚取山花山鳥伴我醉時吟何必
絲與竹山水有清音

曲筇三

緱山
夜飲

石壇洗秋露喬木擁蒼煙緱山七月笙鶴曾此上賓天爲
問雲間崧少老眼無窮今古大藥幾人傳宇宙一丘土城
郭又千年 一襟風一片月酒樽前王喬爲汝轟飲留看
醉時顛杳杳白雲青嶂蕩蕩銀河碧落長袖得回旋舉手
謝浮世我是飲中仙

四

○興定庚辰六月望予與河南元好問趙郡李獻能同游玉華谷將歷崧前諸刹因過少姨祠遂周行廊廡得古仙人詞壁間然其首章直屋漏雨為所漫剝殆不能辨燈木石而上拂塵滓滌迫視者久之始可完讀觀其體則柏梁事則終始二漢字盡在鍾王之間東井又元鼎所都幽州必賢子虞也夫眷眷不怠幽州者非吾田疇尚誰與田復所事之讎卻曹瞞之賞衰俗波蕩中挺挺有烈丈夫語氣其死而不亾蓋無疑其能道此語亦無疑觀者不當以文體古今之變而疑仙語也噫仙山靈岳宜有閔衍博大真人往來其間而世人莫之識也予三人乃今見之夫豈偶然哉再拜留跡以附知音者之末云

渾源雷淵題

附仙人詞夢入雲山宮闕幽鶯鶯同侶駕鳳流桂月竟夜光不收世俗擾擾成囂湫醉飛星馭鞭金虬入仙浪跡追真游龜玉筌蹄四十秋摩霄注壑須人求覓劍如或笑刻舟陽燧非無鹿里儔元鼎以來虛崑邱東井徒勞冠帶脩松餐竹飲度蠶樓嵩頂坐嘯垂直鈞祇應慙媿劉幽州

雲山有宮闕浩蕩玉華秋何年鸞鷲同侶清夢入真游細
看詩中元鼎似道區區東井冠帶事崑丘壞壁淪風雨醉
墨失蛟虬問詩仙緣底事愧幽州知音定在何許此語
爲誰留世外青天明月世上紅塵白日我亦厭囂湫一笑
拂衣去崧頂坐垂鈎

五

與欽叔飲時李以同州
錄事判官入館司之

長安夏秋雨泥潦滿街衢先生閉戶轟飲鄰屋厭歌呼慚
媿君家兄弟半世相親相愛知我是狂夫禮法略苛細言
語任乖疏判司官一囊米五車書騎驢冠蓋叢裏鞍馬
避僮奴只有平生親舊歡笑窮年竟日未必古人如酒賤

可頻置時爲過吾廬

六

賦德新王丈玉溪溪在嵩前費莊兩山絕勝處也

空濛玉華曉蕭灑石淙秋崧高大有佳處元在玉溪頭翠
壁丹崖千丈古木寒藤兩岸邨落帶林丘今日好風色可
以放吾舟百來年算惟有此翁游山川邂逅佳客猿鳥
亦相留父老雞豚鄉社兒女籃輿竹儿來往亦風流萬事
已華髮吾道付滄洲

七

賦三門津

黃河九天上人鬼瞰重關長風怒捲高浪飛灑日光寒峻
似呂梁千仞壯似錢唐八月直下洗塵寰萬象入橫潰依

舊一峯閒 仰危巢雙鶴過杳難攀人閒此險何用萬古
祕神姦不用然犀下照未必伏飛強射有力障狂瀾喚取
騎鯨客搥鼓過銀山

八

史館
夜直

形神自相語咄諾汝來前天公生汝何意甯獨有奇偏萬
事麤疏潦倒半世棲遲零落甘受眾人憐許犯臥牀下趙
壹倚門邊 五車書都不博一囊錢長安自古岐路難似
上青天雞黍年年鄉社桃李家家春酒平地有神仙歸去
不歸去鼻孔有誰穿

九

新長
壽齋

蒼煙百年木春雨一溪花移居白鹿東崦家具滿樵車舊
有黃牛十角分去聲得山田一曲涼薄了生涯一笑顧兒女
今日是山家 簿書叢鈴夜掣鼓晨搗人生一枕春睡辛
苦趁蜂衙竹裏藍田山下艸閣百花潭上千古占煙霞更
看商於路別有故侯瓜

十

西京汜水
故城登賦

牛羊散平楚落日漢家營龍挐虎擲何處野蔓罨荒城遙
想朱旗西指萬里風雲奔走慘澹五年兵天地入鞭箠毛
髮凜威靈 一千年成皋路幾人經長河浩浩東注不盡
古今情誰謂麻池小豎偶解東門長嘯取次論韓彭慷慨

一樽酒胸次若爲平

滿江紅

崧山
中作

天上飛鳥問誰遣東生西沒明鏡裏朝看青鬢暮爲華髮
弱水蓬萊三萬里夢魂不到金銀闕更幾人能有謝家山
飛仙骨 山鳥唳林花發玉杯冷秋雲滑彭殤共一醉不
爭毫末鞭石何年滄海過三山只是樽中物暫放教老子
據胡牀邀明月

內鄉
作

老樹荒臺秋興動悠然獨酌秋也老江山憔悴鬢華先覺
人到中年元易感眼看華屋歸零落算世閒惟有醉鄉民

平生樂 凌浩蕩觀寥廓月爲燭雲爲幄儘百川都釀不
供杯杓身外虛名將底用古人已錯今尤錯喚野猿山鳥
一時歌休休莫

三

內鄉半山亭浮休居士
張芸叟窪尊石刻在焉

江上窪尊人道有浮休遺迹尊俎地江山如畫百年岑寂
白鶴重來城郭在山花山鳥渾相識更與君載酒半山亭
追疇昔 人易老時難得歡未減悲還及身前與身後杳
無終極一笑何須留故事千年誰復知今日拚醉來橫臥

隴頭雲林閒石

四

方城商帥國器軍中寄同年李
欽用欽用時爲西臺掾在長安

漢水方城今古道幾回投迹留滯久浩歌狂醉此心誰識
渭北清光搖艸樹故人對酒應相憶記雨窗相對話離憂
秋風夕 風月笛煙霞展身易老時難得鳥飛天不盡野
春平碧我夢秦東亭上飲舉頭但見長安日便與君重結
入關期明年必

五

送希顏之
官徐州

元鼎詩仙知音少喜君留迹還有恨故山飛去石城瓊壁
萬里征西天有意四方問舍今何日便金虬飛馭解移文
知無及 淮海地雲雷夕自不負須如戟望幕中談笑隱
如勅敵此老何堪丞掾事佳時但要江山筆向楚王臺上

酒酣時須相憶

六

畫戟清香誰得似
韋郎詩筆還又見
從容車騎徐州西北
竹馬兒童應有語
使君姓字人人識
是往時曾護國西門
金湯壁 干日醉三更
席事已去尋無迹
對暮涼鐙火悵
然如失萬里功名
知未免中年離別
尤堪惜恨洛陽風雨
暗旌旗空相憶

七

枕上吳山隱隱見
宮眉修碧人好在
斷腸渾似畫圖相識
羅襪塵香來有信
玉簫聲遠尋無迹
恨不將春色醉仙桃

迷芳席 嬋娟月韶華日夢已盡愁仍積江花共江草幾
時終極錦樹吹殘胡蝶老冰綃翦破鴛鴦隻拚楚雲湘雨
一生休休相憶

八

一枕餘醒厭厭共相思無力人語定小窗風雨暮寒空寂
繡被留歡香未減錦書封淚紅猶溼問寸腸能著幾多愁
朝還夕 春草遠春江碧雲暗澹花狼藉更柳絲閒颺柳
絲難織入夢終疑神女賦寫情除有文通筆恨伯勞東去
燕西飛空相憶

九

再過水南
續增

問柳尋花津橋路年年寒節佳麗地梁園池館洛陽城闕
白鶴重來人換世淒涼一樹梅花發記水南昨暮賞春回
今華髮 金縷唱龍香撥雲液煖瓊杯滑料羈愁千種不
禁掀豁老眼只供他日淚春風竟是誰家物恨馬頭明月
更多情尋常缺

十三泉醉飲

續增

桃李漫山風日煖朝來開徹東溪上落花流水暮春三月
一片花飛春意減有花堪折君須折恨百年春事短長亭
惻惻別 金縷唱金蕉拍休直待芳華歇到綠陰青子只
供愁絕坐上常看尊有酒鏡中莫管頭如雪料醉來人說

次公狂從渠說

念奴嬌

欽叔欽用避兵太華絕頂有書見招因爲賦此

雲間太華笑蒼然塵世真成何物玉井蓮開
花十丈獨立蒼龍絕壁九點齊州一杯滄海半
落天山雪中原逐鹿定知誰是雄傑我夢黃鵠
移書洪崖招隱逸興尊中發箭筈天門飛不到
落日旌旗明滅華屋生存山正零落幾換青青
髮人間休問浩歌且醉明月

二 飲潭源岳神
仙會續增

小山招飲恨還丹不到人間豪傑南渡衣冠多
盛集蕭灑蘭亭三月陶冶襟靈留連光景觴詠今
無復黃墟雖近老

懷空感存歿 誰辦八表神游古來登覽此日俱湮沒天
景雲光搖醉眼興在珠宮瑤闕布席崧臺脫巾石壁散我
蕭蕭髮短歌悲慨海濤響振林樾

永遇樂

絕壁孤雲冷泉高竹茅舍相望留滯三年相思千里歸夢
風煙上天公老大依然兒戲困我世間羈鞅此身似扁舟
一葉浩浩拍天風浪 中臺黃散官倉紅腐換得塵容俗
狀枕上哦詩夢中得句笑了還惆悵可憐滿鏡星星白髮
中有利名千丈問何時有酒如川自歌自放

摸魚兒

正月二十七日子與希顏陪馮內翰文游龍
母潭韓吏部釣於龍潭遇雷事見天封題名

卽此地也既歸宿於近潭田舍翁家是夜雷雨大作望潭中火光如燭明日旁近言龍起大槐中父老云正月龍起前此未見也
龍潭寺南窪尊馮丈所名

笑青山不解留客林上夜半掀舉蕭蕭暮景千山雪銀箭
忽傳飛雨還記否又恐似龍潭垂釣風雷怒山神良苦料
只爲三年長安道上來與浣塵土清陰渡渺渺風煙杖
屨名山元有佳處山僧乞去聲我溪南地十里瘦藤高樹私
自語更須問窪尊此日誰賓主朝來蒼暮去紫山鳥山花
前歌後舞從我醉鄉路

一二乙丑歲赴試并州道逢捕鴈者云今日獲一鴈殺之矣其脫網者悲鳴不能去竟自投於地而死子因買得之葬之汾水之上案石爲識號曰鴈邱同行者多爲賦詩子亦有鴈邱詞舊所作無宮商今

爲改
定云

問人間情是何物直教生死相許天南地北雙飛客老翅
幾回寒暑歡樂趣離別苦是中更有癡兒女君應有語渺
萬里層雲千山暮景隻影爲誰去橫汾路寂寞當年簫
鼓荒煙依舊平楚招魂楚些何嗟及山鬼自啼風雨天也
妒未信與鶯兒燕子俱黃土千秋萬古爲留待騷人狂歌
痛飲來訪鴈正處

三泰和中大名民家小兒女有以私情不如意赴水
者官爲蹤跡之無見也其後踏藕者得二尸水中
衣服仍可驗其事乃白是歲此陂荷花開無不並
蒂者沁水梁國用時爲錄事判官爲李用章內翰
言如此曲以樂府雙藻怨命篇咀五色之靈芝香
生九竅咽三危之瑞露美動七情韓偓香奩集中

自敘
語

問蓮根有絲多少蓮心知爲誰苦雙花脈脈嬌相向只是
舊家兒女天已許甚不教白頭生死鴛鴦浦夕陽無語算
謝客煙中湘妃江上未是斷腸處 香奩夢好在靈芝瑞
露中間俯仰今古海枯石爛情緣在幽恨不埋黃土相思
樹流年度無端又被西風誤蘭舟少住怕載酒重來紅衣
半落狼藉臥秋雨

四

憶元龍舊家湖海不應年鬢衰槁翩翩竹馬兒童喜驚見
漢江歸報歸計早黃金印征西已付諸郎了紅雲仙島渺

千里移春濃薰細染春意已傾倒
西溪上玉鏡修眉翠
埽題詩曾許誰到溪亭未入奚奴錦望斷綠波春艸君且
道人間世虛名得似歡游好風流未老約款段隨車鴟夷
載酒迎我霸陵道

五

樓桑呼漢
昭烈廟

問樓桑故居無處青林留在祠宇荒壇社散烏聲暄寂寞
漢家簫鼓春已暮君不見錦城花重驚風雨劉郎良苦儘
玉壘青雲錦江秀色辦作一丘土
西山好滿意龍盤虎
踞登臨感愴千古當時諸葛成何事伯仲果誰伊呂還自
語緣底事十年來往燕南路征鞍且駐就老瓦盆邊田翁

共飲攜手醉鄉去

最高樓

商於魯
縣北山

商於路山遠客來稀
雞犬靜柴扉東家歡飲薑芽脆
西家留宿芋魁肥
覺重來猿與鶴總忘機
問華屋高貲誰不戀
問美食大官誰不羨
風浪裏竟安歸
雲山旣不求吾是林泉又不責
吾非任年年藜藿飯
芟荷衣

玉漏遲

壬辰圍城中有懷浙
江別業爲欽用弟賦

浙江歸路杳望西南仰羨投林高鳥升斗微官
世累苦相縈繞不入麒麟畫裏又不與巢由同調
時自笑虛名負我平生吟嘯
擾擾馬足車塵被歲月無情暗銷年少鐘鼎

山林一事幾時曾了四壁秋蟲夜語更一點殘鐙斜照清
鏡曉白髮又添多少

石州慢

赴召史館與德新丈別於岳
祠西新店明日以此寄之

擊筑行歌鞍馬賦詩年少豪舉從渠里社浮沈枉笑人間
兒女生平王粲而今憔悴登樓江山信美非吾土天地一
飛鴻渺翩翩何許 羈旅山中父老相逢應念此行良苦
幾許虛名誤卻東家雞黍漫漫長路蕭蕭兩鬢黃塵騎驢
漫與行人語詩句欲成時滿西山風雨

二

兒女籃輿田舍老盆隨意林壑三重屋上黃茅賴是秋風

留著舊家年少也曾東抹西塗鬢毛爭信星星卻歲暮日
斜時儘棲遲零落如昨青雲飛蓋追隨傾動故都城郭
疊鼓凝笳幾處銀屏珠箔夢中身世只知雞犬新豐西園
勝賞驚還覺霜葉晚蕭蕭滿疏籬寒雀

聲聲慢

內鄉浙
江上作

林間雞犬江上邨墟扁舟處處經過袖裏新詩買斷古木
蒼波山中一花一艸也留教老子婆婆任人笑甚風雲氣
少兒女情多不待求田問舍被朝吟暮醉慣得蹉跎百
尺高樓更問平地如何朝來斜風細雨喜紅塵不到漁蓑
一尊酒喚元龍來聽浩歌

洞仙歌

超化醮碧軒得欽叔書有相調之語因代書以寄寺有長明鐙龕卽所見而言

青錢白璧自買愁腸繞更恨歡狂負年少記陽關圖上尊
酒留連兒女淚輸與閒人坐釣 茂陵多病後懶盡琴心
無復求凰與同調似清風古殿風動旛搖晴晝永惟有龕
鐙靜照看胡蝶飛來澹無情問牆角戎葵爲誰凝笑

滿庭芳

正大四年戊子十月汴京遇仙樓酒家楊廣有僧就之借宿每酒客散從外來臥具有閒

賸則就之不然赤地亦寢一日天寒甚楊憐其羈窮飲之酒僧若媿焉晨起僧持酒盃出同宿者聞嘆聲少焉僧云增明亭前牡丹開矣速往看之人聞而不信也已乃果有兩花僧亦去京師觀者填咽酒壚爲之一空楊因獲利不貲蓋僧以是報楊也

天上殷韓解鞵官府爛游舞榭歌樓開花釀酒來看帝王

州常見牡丹開候獨占斷
穀雨風流仙家好霜天槁葉穠
豔破春柔 狂僧誰借手
一杯喚起綠怨紅愁看天香國
豔梅菊替人羞盡揭紗籠
護日容光動玉竿瓊身都人士
女年年十月常記遇仙樓

二 同座主閑
閑公賦

妝鏡韶華牙籤名品慣看培養
經年何人曾見槁葉敗芳
妍知是毗耶座客三生夢
猶有情緣薰香手融春暈雪來
見百花前 嫣然誰爲笑珠圍翠繞
且共留連待詩中偷
寫畫裏真傳繡帽擁霜紫
塞瓊肌瑩春滿口前新聲在梁
園異事并記玉堂仙

一八 入聲甘州

同張古人觀許由冢古人名潛字仲外黃人

許君祠層崖上崢嶸幽林入清溪坐嵩少風煙濃淡百態
立變晴陰山下一溪流水不受是非侵寂寞懸瓢地黃屋
無心木杪巒岵石冢見人間幾度夕鼎朝鍤問五兵誰
作音佐天地更生金百年來神州萬里望浮雲西北淚沾襟
青山好一尊未盡且共登臨

玉京巖龍香海南來霓裳月中傳有六朝圖畫朝朝瓊樹
步步金蓮明月重簾畫燭幾處鎖嬋娟塵暗秦王女秋扇
年年一枕繁華夢覺問故家桃李何許爭妍便牛羊正

壠百草動蒼煙更誰知昭陽舊事似天教通德見伶立春
風老擁鬢顰黛寂寞鐙前

三

半仙亭籃輿雪中回黃紬日高眠兒婚女嫁奴耕婢織共
有住山緣夢裏松腴釀熟竹港咽冰泉萬古霜空月此夜
清妍不愛朝臺暮省愛漢陂魚艇杜曲山田更昭陽遺
藁有意續伶立定誰共舊家斲削要裴回顧影燭花前西
歸好春風未老留待明年

蝶戀花

戊辰歲長
安中作

一片花飛春意減雨雨風風常恨尋芳晚若箇花枝偏入

眼樽前細問春風揀
醉裏看花雲錦爛
只記鶯聲不記
紅牙板留著佳人鸚鵡
璣明朝賸把長條挽

二

甲申歲
南都作

牢落羈懷愁有信
流水浮生幾見中秋閨
千古詩壇將酒
陣一輪明月消磨盡
八月人間秋滿鬢
桂樹扶疏更與
秋風近
天上姮娥應有恨
騎鯨人去無人問

三

白鹿原
新齋作

負郭桑麻秋課重
十角黃牛分去聲得山田種
鄉社雞豚人
與共春風漸入浮蛆甕
繞屋清溪醒午夢
一榻翛然坐
受雲山供四海虛名將
底用一聲啼鳥巖花動

四

春到桃源人不到白髮劉郎誤入紅雲島著意酬春還艸
艸東風一夜花如埽過眼風花人自惱已坐尋芳更約
明年早天若有情天亦老世間元只無情好

五

同樂舜咨郎中
夢梅續增

梅信初傳金點小翠羽多情儘耐風枝裊乞與吟鞵共百
繞小窗月暗人聲悄枕上詩成還自笑萬斛清愁換得
春多少臨水幽姿空自照羅浮山下孤邨曉

賀新郎

爲良佐
所親賦

赴節金釵促愛茲間泠泠細雨非琴非筑別鶴離鸞雲干

里風雨孤鐙夜哭只雌蝶雄蜂同宿汀樹詩成歸舟遠認
宮眉隱隱春山綠歌宛轉淚盈躬 吳兒越女皆冰玉恨
不及徘徊星漢流光相屬破鏡何年清輝滿寂寞佳人空
谷人世事尋常翻覆入塞新聲愁未了更傷心聽得江南
曲羯鼓催紅燭

醉花陰

候館青鐙淡相對夜迢迢無奈掩淚惜分飛好夢空回留
得閑愁在 同心易結雙羅帶只連環難解且莫望歸鞍
儘眼西山人更西山外

鳳凰臺上憶吹簫

寶靨留香錦書封淚要教惱亂愁腸恨鏡鸞雙舞辜負歡
狂日月東城望眼俱夢雲煙樹微茫人何處濃陰靜院口
月幽窗東風萬紅干紫算只有寒梅瘦得何郎想淡妝
無語孤影昏黃好在藍橋舊路也便

下缺

詞林

詞林

詞林

詞林

元遺山先生新樂府卷第一終

元遺山先生新樂府卷第二 讀書山房刻本

臨江仙

自洛陽往孟津道中作

今古北邙山下路黃塵老盡英雄人生長恨水長東幽懷
誰共語遠目送歸鴻蓋世功名將底用從前錯怨天公
浩歌一曲酒千鍾男兒行處是未要論窮通

飲昆陽官舍有懷德新文

世故迫人無好況酒盃今日初拈昆陽城下酌蒼蟾乾坤
悲夜永笳鼓覺秋嚴夢寐玉溪溪上路竹枝斜出青帘
故人白髮未應添浩歌風露下相望一掀髯

自笑三

寄德新文

自笑此身無定在北州又復南州買田何日遂歸休向來
元落落此去亦悠悠 赤日黃塵三百里嵩邱幾度登樓
故人多在玉溪頭清泉明月曉高樹晚蟬秋

四

自笑此身無定在風蓬易轉孤根羨君歸意滿離尊眼中
茅屋口穉子已迎門 回首對牀鐙火處萬山深口孤村
故人天末賦招魂新詩憑寄取憔悴不須論

五

內鄉寄崧
前故人

昨夜半山亭下醉窪尊人日留題放船直到浙江西冰壺
天上下雲錦樹高低 世上紅塵爭白日山中太古熙熙

外人初到故應迷桃花三百里渾是武陵溪

六

夏館秋林在內鄉北山

夏館秋林山水窟家家林影湖光三年閑爲一官忙簿書
愁裏過筍蕨夢中香 父老書來招我隱臨流已葢茅堂
白頭兄弟共論量山田尋二頃他日作桐鄉

七

與欽叔飲二首

邂逅一尊文字飲春風爲洗愁顏花枝入鬢笑詩斑發臨
千古意天淡夕陽閒 南去北來行老矣人生茅屋三間
何人得似謝東山紫簫明月底高竹倚風鬟

八

明月清風無盡藏平生老子南樓閣
閑談笑說封侯誰能知許事
一笑去來休舊見輞川圖畫裏
十年辜負歡游
百金早晚得菟裘與君成二老
來往亦風流

九

孟津河山亭同欽叔賦因寄希顏兄

試上古城城上望水光天影相涵
都將形勝入高談河山君與我
獨恨少髯參造物戲人兒女劇
狙公暮四朝三百年都合付醺酣
人家誰有酒吾欲典春衫

十

世事悠悠天不管春風花柳爭妍
人家寒食盡藏煙不知何處火來
就客心然千里故鄉千里夢
高城淚眼遙天

時光流轉鴈飛邊
今春看又過何日是歸年

十一

相下與王以道飲席間走筆爲賦王予東曹掾時同舍郎也

一段江山英秀氣
風流天下星郎煙花故國五雲鄉
只知心事在爭向
鬢毛蒼 千古西陵歌舞地
興來忘卻悲涼
相逢一醉莫停觴
東山看老去湖海永相望

十二

醉眼紛紛桃李過
雄蜂雌蝶同時一生心事杏花詩
小橋春寂寞
風雨鬢成絲
天上鸞膠尋不得
直教吹散臙脂
月明千里少姨祠
山中開較晚
應有背陰枝

十三

葉葉荷花開處好大明湖上新秋紅妝翠蓋木蘭舟江山
如畫裏人物更風流千里故人千里月三年辜負歡游
一杯白酒寄離口殷勤橋下水幾日到東州

十四

紫玉霜華相照映錦花仍是瓊兒天邊誰與慰相思洗妝
無別物只有斷腸詩水北水南渾一夢眼中紅袖烏絲
春風同是可憐枝爭教歌酒興不似洛陽時

十五

贈仲經女
子楚楚

阿楚新年都六歲掌中一捻嬌春詩中有筆畫難真芝香
雲作朵魚細錦爲鱗舊說張門多靜女更和靈照情親

外家姓 龐氏 誘談休遣孔兄嗔異時看小妹林下謝夫人

十六

張光甫家兒子
咬驢 續增

膝上添丁郎小小鵝雛彩鶴初勻書堂合與孟家鄰誦詩
琴口口口口墨沾脣 頭玉曉曉眉刷翠更將秋水爲神
看花留待百年春金鞍南陌上驚動洛陽人

十七

連日湖亭風色好今朝賞徧東城主人留客過清明小桃
如欲語楊柳更多情 爲愛暮雲芳草句一杯聊聽新聲
水流花落歎浮生故園春更晚時節已啼鶯

十八

贈答飛卿
弟 續增

壯歲論交今晚歲只君知我平生六年相望若爲情呂安
思叔夜殘月配長庚 濟上買田堪共隱嵩邱朝暮陰晴
紫雲仙季白雲兄風流成二老林下看昇平

十九

唐子西酒名齊物論
又曰養生主 續增

誰喚提壺沽美酒浮生多負歡游窗明窗暗百年休涼風
催鴈過春水帶花流 仰視浮雲空自誑往還歲月悠悠
三山那有鳳麟洲一盃齊物論千古醉鄉侯

三奠子

同國器帥良佐仲
澤置酒南陽故城

上高城置酒遙望春陵興與廢兩虛名江山埋王氣草木
動威靈中原鹿千年後儘人爭 風雲寤寐鞍馬生平鐘

鼎上幾書生軍門高密策田畝臥龍耕南陽道西山色古今情

二離南陽
後作

悵韶華流轉無計留連行樂地一悽然笙歌寒食後桃李
惡風前連環玉迴文錦兩纏絲芳塵未遠幽意誰傳干
古恨再生緣閑衾香易冷孤枕夢難圓西窗雨南樓月夜
如年

行香子

浙江
上作

漫漫晴波澹澹雲羅傍春江是處紅過桃花解笑楊柳能
歌儘百年身千古意兩蹉跎酒惡無聊詩苦成魔只閑

情不易消磨幾人樵徑何處山阿恨夕陽遲芳草遠落紅
多

江月晃重山

初到崧山時作

塞上秋風鼓角城頭落日旌旗少年鞍馬適相宜從軍樂
莫問所從誰 候騎纔通薊北先聲已動遼西歸期猶及
柳依依春闈月紅袖不須啼

感皇恩

洛西爲劉兄景
玄賦秋蓮曲

金粉拂霓裳淩波微步瘦玉亭亭依秋渚澹香高韻費盡
一天清露惱人容易被西風誤 微雨岸口斜陽汀樹自
惜風流怨遲暮珠簾清竹應有阿溪新句斷魂誰解與煙

中語

二

夢寐見并州今朝身到未怕清汾照枯槁百年狂興盡與
家山傾倒黑頭誰辦得歸來早 梁苑綠波長安春草惆
悵行人暗中老故人相送記得臨行曾道故園行樂地依
然好

三 壽韓侯恬
然 續增

水上覓紅雲雲藏仙島雲外晴峰翠於埽東園行樂一洗
山林枯槁萬金誰辦得安閒早 石上玉芝松間瑤草容
易休教使君老壽盃宮袖醉眼風荷翻倒錦堂花與月年

年好

四

張侯壽席此州樂府垂
楊一曲方盛續增

天外想春來春來天上樂府垂楊新動唱扁舟西子併與
雲帆無恙五湖將底用黃金像水閣清深晴樓蕭爽絲
竹留教助清賞松腴仙耐萬斛口泉供釀壽杯先領取山
中相

促拍醜奴兒

口閑
閑公

風雨替花愁風雨罷花也應休勸君莫惜花前醉今年花
謝明年花謝白了人頭乘興兩三甌揀溪山好處追游
但教有酒身無事有花也好無花也好選甚春秋

二學閑閑
公體

朝鏡惜蹉跎一年年來日無多無情六合乾坤裏顛鸞倒
鳳撐霆裂月直被消磨 世事飽經過算都輪暢飲高歌
天公不禁人間酒良辰美景賞心樂事不醉如何

三賀人
生子

朱麝掌中香可憐兒初浴蘭湯靈椿未老丹枝秀東鄰西
舍排家助喜沽酒牽羊 天與讀書即便安排富貴文章
高門自有容車日明年且看青衫竹馬鴈鴈成行

四

無物慰蹉跎占一邱一壑婆婆閑來點檢平生事天南地

北幾多塵土何限風波
花塢與松坡盡先生少小經過
老來詩酒猶堪任家山在眼親朋滿座不醉如何

青玉案

落紅吹滿沙頭路似總被春將去
落花落花開春幾度多情
惟有畫梁雙燕知道春歸處
鏡中冉冉韶華暮欲寫幽
懷恨無句九十花期能幾許
一卮芳酒一襟清淚寂寞西
窗雨

浣溪紗

方口仙翁山北水莊成良
佐以事繫獄以此寄之

百折清泉遶舍鳴
隔年楊柳綠陰成
藕花多處一身橫
行處自由皆樂事
得來無用是虛名
等閑榮辱不須驚

二宿孟津
官舍

一夜春寒滿下廳獨眠人起候明星娟娟山月入疎櫺
萬古風雲雙短鬢百年身世幾長亭浩歌聊且慰飄零

三

外家種
德堂

牆外桑麻雨露深堂前桃李有新陰高門因見古人心
三世讀書無白屋一經教子勝黃金小口先與喚瓊林

四

史院得告
歸西山

萬頃風煙入酒壺西山歸去一狂夫皇家結網未曾疎
情性本宜閑處著文章自忖用時無醉來聊爲鼓隳胡

五

集
句

芍藥初開百步香
小欄幽徑隔長廊
好花都屬富家郎
此樂莫教兒輩覺
老夫聊發少年狂
高燒銀燭照紅妝

六

往年宏辭御題
有西山晴雪詩

日射雲間五色芝
鴛鴦宮瓦碧參差
西山晴雪入新詩
焦土已經三月火
殘花猶發萬年枝
他年江令獨來時

七

湖上春風散客愁
芳洲煙景記曾游
人家渾似玉溪頭
楊柳青旗沽酒市
桃花流水釣魚舟
紅塵鞍馬幾時休

八

錦帶吳鉤萬里行
青雲人物舊知名
百壺春酒過清明

渺渺荒陂口井路青青楊柳玉關情殘陽無語下西陵

九

芳草垂楊長樂坡兩行紅粉一聲歌淋漓襟袖酒痕多
夢裏翠翹驚墮枕愁邊羅韞見凌波春寒春瘦夜如何

十

夢遶桃源寂寞迴春殘滋味似秋懷多情翻恨酒爲媒
數點雨聲風約住一簾花影月移來小欄幽徑獨徘徊

十一

懷李彥深李濟南人
繡江在長白山下

綠綺紅埃試拂絃今人誰與子爭先相逢尊酒合留連
金馬玉堂梁苑客岸花汀草繡江船舊游回首又三年

十二

別緯文張
兄續增

欹枕寒鴉處處新花前鴈後數歸程小紅鐙影隔春城
兩地相望今夜月一尊不盡故人情老懷牢落向誰傾

十三

續增

畫出清明二月天山城三月只蕭然閉門日日枕書眠
川口杏花渾欲雪山中楊柳不成煙春風回首又明年

南鄉子

一雨浣年芳燕燕鶯鶯滿洛陽梨雪漸空桃李過風光恰
到風流睡海棠何處最難忘楊柳高樓近苑牆喚取分
口狂御史何妨暫醉佳人錦瑟傍

煙草入西州暮雨千山獨倚樓不似秦東亭上飲風流翠
袖春風兩玉舟事去重回頭卻是多情不自由爲向河
陽桃李道休休青鬢能堪幾度愁

三

風雨送春忙爛醉花時得幾場枝上桃花吹盡也殘芳一
片春風一片香少日爲花狂老去逢春只自傷回首十
年歡笑處難忘一曲悲歌淚數行

四

少日負虛名問舍求田意未平南去北來今老矣何成一

口微官誤半生 孤影伴殘更 萬里燈前骨肉情 短髮抓
來看欲盡天明能是青青得幾莖

五

幽意曲中傳 總是才情得處偏 唱到斷腸聲欲斷 還連一
串驪珠箇箇圓 畫扇綺羅筵 韓馬風流在眼前 坐上有
人持酒聽 淒然夢裏梁園又一年

六

九日同燕中諸名勝
登瓊口故基 續增

樓觀鬱嵯峨 瓊島煙光太乙波 真見銅駝荆棘裏 摩挲前
度青衫淚更多 勝日小婆婆 欲賦蕪城柰老何 千古廢
興渾一夢 從他且放雲山入浩歌

七 飲東原王司章
郎中家續增

促坐燭花紅春到梅邊蠟帶融南去北來何限客誰同酒
令歌籌醉不供聚散落花風恨煞陵臺望眼中人世只
除開口笑難逢莫惜金盃到手空

八

花譜得新名一尺紅雲賽洛京舊說採蓮張靜婉難憑楚
潤元來更有情 株上豔歌聲虧煞司空自教成前日綠
窗今夜夢分明宿酒殘妝未五更

謁金門 漕司
口齋

羅衾薄簾外五更風惡醉後題詩渾忘卻烏啼殘月落

憔悴何郎東閣宿酒不禁重酌袖裏梅花春一握幽懷無處託

好事近

冬夜有懷

夢裏十年心情味夢迴猶惡枕上數行清淚被驚鳥啼落
西窗瓶水夜深寒梅花瘦如削只有一枝春在問東君
留著

朝中措

永甯時作

連延村落竝

步浪反

陽崖川路到山迴竹樹攢成風月溪塘

隔斷塵埃

小亭幽圃醪釀未過芍藥初開驢上一壺春

酒主人莫厭頻來

二
盧溝河上度旃車行路看宮娃古殿吳時花草奚琴塞外
風沙 天荒地老池臺何處羅綺誰家夢裏口行燈火皇
州依舊繁華

三

時情天意任論量樂事苦相妨白酒家家新釀黃花日日
重陽 城高望遠煙濃草淡一片秋光故國江山如畫醉
來忘卻興亡

四

醉來長鋏爲誰彈憔悴入幽燕一帶秦川如畫夕陽仙掌

空閑 門邊骹髀胷中魄磊何苦人間匹馬明年西去看
君射虎南山

五

瑞香

御香新拆紫囊封
苒苒綠雲叢
開晚只嗔寒
勒妝成又怕
晴烘 化工也爲花中第一
薰染偏濃
誰有石家紅錦重
重圍住春風

六

綦君美東海名家大父內翰海陵朝以文章顯出
刺吾州君美以蔭補嘗令湖城晚得見子石桂因

爲賦此

續增

添益新喜萬家傳
滿意擲金錢
仙果休嗔生
晚靈椿最得
春偏 隆顱犀角丹砂一拂玉潤松堅
看取翰林枝葉卻

如東海當年

七

周帥華堂紫
牡丹 續增

芳苞初破紫霞盃香動綠雲堆只道人間花盡爭知天上
春回 朝吟暮繞使君情重不厭頻來好把韶華留住莫
教百朵齊開

八

寄楊漕
續增

秋鴻社燕偶相逢鞍馬又西東辜負水南三月安排萬紫
千紅 舊游新夢綠波南浦黃葉西風任是麒麟閣上爭
如鸚鵡盃中

九

小兒子生適有遺羽陽宮瓦
者因以羽陽字之 續增

添丁名字入新收一長看過頭拾得羽陽宮瓦不愁撞透
煙樓遺山野客求田問舍夢想南州說甚河東三鳳安
排老口班彪

訴衷情

萬人如海一身藏隨例大家忙東華輭紅塵土培口口三
郎蘭若寺玉溪莊兩茅堂雞豚鄉社鷺鴨比鄰好箇崧
陽

二

升平責望富民侯愁損抱官囚自家本無煩惱鬧處要鑽
頭山崦寺水心樓去來休醉歸扶路鼓吹鳴蛙部曲黃

牛莫莫村村莫問甚

三

行齋活計五車書真欲釜生魚天公也相料理新得掌中珠
看驥子弄鷓鴣最憐渠青衫竹馬後日迎門好箇高

閩

擲破浣溪紗

代贈仲經所親續增

錦瑟華年燕子樓楚雲湘雨等閑休留在貞元供奉曲儘
風流約略睡痕妝鏡晚留連香韻瑣窗秋總道竹西歌
吹好去來休

秋色橫空

松液香凝澹幽姿一洗若下宜城甘腴小苦中山賦千古
齒頰春生燈花喜缸面清愛竹港冰泉落枕聲恰值劉綱
夫婦此日月成 雲峰翠展畫屏更口樓水閣樹擁煙橫
留連光景中年要歌管陶寫襟靈人間世身外名笑朝馬
晨鐘夢易驚且留看神仙白晝地行

思仙會

效楊吏部
體續增

人無百年人枉作千年計傀儡棚頭看過幾場興廢朱顏
易改可惜歡娛地勸君酒唱君歌爲君醉 滄溟一葉正
在橫流際阮籍途窮啼得血流何濟天公老大不管人間
世莫莫休休莫問甚底

漁家傲

續增

午醉醒來春欲去鶯兒燕子都無語好箇一春行樂處花
無數寶釵貫酒花前舞十里驛亭楊柳樹多情折斷青
青縷春到去時留不住留不住西城日日風和雨

喜遷鶯

續增

雲雷天造快嫖姚玉節平平豪妙野宿貔貅江橫組練畫
角一聲霜曉魚鳥簡書知畏草木威名先到更誰似並虎
頭飛將封侯差早談笑尊俎地兵衛畫戟燕寢凝香好
伏櫪雄心缺壺高唱意氣不妨傾倒父子一門忠力唯有
君恩須報濟時了看耶山長對元勳難老

蘇思於時

大謝

前派

再一

天

音

音

音

音

元遺山先生新樂府卷第二終

元遺山先生新樂府卷第三

讀書山房刻本

鷓鴣天

隆德故宮同希顏
欽叔知幾諸人賦

臨錦堂前春水波
蘭皋亭下落梅多
三山宮闕空瀛海
萬里風埃暗綺羅
雲子酒雪兒歌留
連風月共婆娑
人間更有傷心處
奈得劉伶醉後何

二木
犀

桂子紛翻浥露黃
桂花高韻靜生芳
薔薇水潤宮衣軟
婆律高
清月殿涼
雲岫句海仙方
情緣心事兩難忘
衰蓮枉誤秋風客
可是無塵袖裏香

三蓮

瘦綠愁紅倚暮煙
露華涼冷洗嬋娟
含情脈脈知誰怨
顧影依依定自憐
風送雨水連天
淩波無夢夜如年
何時北渚亭邊月
狼藉秋香拂畫船

四

零落樓遲感興多
酒盃直欲捲銀河
人間青鏡悲華髮
世外仙棊爛斧柯
長袖舞抗音歌
月明人影兩婆娑
醉來知被傍人笑
無奈風情未減何

五

總道忘憂有杜康
酒逢歡處更難忘
桃紅李白春千樹
古是今非笑一場
歌浩蕩墨淋浪
銀釵縞被滿鄰牆
百年

得意多能幾乞

去聲

與兒曹說醉狂

六

中秋飲倪文仲家蓮花
白醉中同李仁欽賦

月窟秋清桂葉丹
仙家釀熟水芝殘
香來寶地三千界
露入金莖十二槃
天澹澹夜漫漫
五湖豪客酒腸寬
醉來獨跨蒼鸞去
太華峰高玉井寒

七

少日驪駒白玉珂
靈砂犀角費頻磨
西城燈火長安夢
滿意春風似兩坡
流素月澹秋河
百年狂興一聲歌
醉歸扶路人應笑
頭上花枝柰老何

八

與欽叔京
甫市飲

樓上歌呼倒接離樓前分手卻相攜
雨前雨後花枝減
北州南酒價低
憐木鴈笑醯雞
鶴長鳧短幾時齊
醒來門外三竿日
臥聽春泥過馬蹄

九

拍塞車箱滿載書
梁鴻元與世相疏
只緣攜手尋歸計
不恨埋頭屈壯圖
蒼玉硯古銅壺坐
看兒輩了耕鋤
年年此日如川酒
千尺青松儘未枯

十

長恨簫聲隔粉牆
爭教移住五雲鄉
一溪春水關何事
流出桃花賺阮郎
風攬夢月侵牀
情緣消得海生桑
鴛鴦

不鎖黃金殿雌蝶雄蜂枉斷腸

十一

效朱希真體

十步宮香出繡簾惱人簾底月纖纖
五花驕馬垂楊渡辜負仙郎側帽簷
秋澹澹酒厭厭新詩和恨入香奩
相思恰似鴛鴦錦一夜新涼一夜添

十二

宮體八首

候館燈昏雨送涼小樓人靜月侵牀
多情卻被無情惱今夜還如昨夜長
金口煖玉爐香春風都屬富家郎
西園何恨相思橫辛苦梅花候海棠

十三

不自由體中體

翡翠鴛鴦不自由，鏡中鸞舞只堪愁。
庭前花是同心樹，山上泉分兩下流。
金絡馬，木蘭舟，誰家紅袖水西樓。
春風殢殺官橋柳，吹盡香絲不放休。

十四

天上罽支說館娃，眼中金翠有芳華。
行雲著意留歌扇，遠柳無情隔鈿車。
周昉畫，洛陽花，數枝濃豔落誰家。
春寒恨殺如年夜，庭樹陰陰欲暮鴉。

十五

小字繚綾寫欲成，印來眉黛綠分明。
水流刻漏何曾住，玉作彈碁儘未平。
愁易積，夢頻驚，閑衾歌枕覺霜清。
月明

不放寒枝穩夜夜烏啼徹五更

十六

自在晴雲覆苑牆徘徊明月駐清光已看紅口霑口酒猶
認宮螺映綺窗金翡翠繡鴛鴦春風花煖柳絲香殷勤
未口閑情賦不願將身作枕囊

十七

複幕重簾錦作天金壺銀燭夜如年漢皋解珮終疑夢緜
嶺吹笙恰是仙花一夢柳三眠春風無意惜芳妍羅裙
細看輕盈態元在署支阿那邊

十八

入繭吳蠶賸欲眠東西荷葉兩相憐一江春水何年盡萬
古清光此夜圓花爛錦柳烘煙韶華滿意與歡緣不應
寂寞求凰意長對秋風泣斷絃

十九

好夢初驚百感新誰家歌管隔牆聞殘燈收罷空明月臘
雪消融更暮雲鶯有伴鴈離羣西窗寂寞酒微醺春寒
留得梅花在賸爲何郎瘦幾分

二十

效東坡體

煮酒青梅入座新姚家池館宋家鄰樓中燕子能留客陌
上楊花也笑人梁苑月洛陽塵少年難得是閑身殷勤

昨夜三更雨乘醉東城一日春

二十一

酒興濃於琥珀濃爭教相望水西東人家寒食清明後天
氣輕煙細雨中花不盡柳無窮賞心難是此時同阿連
近日歌喉穩唱得春宵燭影紅

二十二

短髮如霜久已拚無冠可挂更須彈初聞古寺多偃鬼又
說層冰有熱官閑處坐靜中看時情天意酒杯乾籬邊
老卻陶潛菊一夜西風一夜寒

二十三

華表歸來老令威頭皮留在姓名非舊時逆旅黃梁飯今日田家白板扉沽酒市釣魚磯愛閑真與世相違墓頭未要征西字元是中原一布衣

二十四

拋卻浮名恰到閑卻因猥懶得顛預從教道士誇懸解未信禪和會熟謾山院靜草堂寬一壺濁酒兩蒲團題詩寄與王夫子乘興時來看藥欄

二十五

只近浮名不近情且看不飲更何成三盃漸覺紛華遠一斗都澆魄磊平醒復醉醉還醒靈均憔悴可憐生離騷

讀殺渾無味好箇詩家阮步兵

枕上清風午夢殘華胥東望海漫漫湖山似要閑身管花

柳難將病眼看三徑在一枝安小齋容膝有餘寬鹿裘

孤坐干峰雪耐與青松老歲寒

二十七 村裏黃番綽家中
白侍郎石曼卿句

總道狙公不易量朝三暮四儘無妨舊時鄴下劉公幹今

日家中白侍郎歌浩蕩酒淋浪浮雲身世兩相忘孤峰

頂上青天闊獨對春風舞一場

白白二十八 春風舞意與
白白二十八

白白紅紅小樹花春風滿意與鉛華煙宵自屬千金馬月
旦真成兩部蛙 諸葛菜邵平瓜白頭孤影一長嗟南園
睡足松陰轉無數蜂兒趁晚衙

二十九

偃蹇蒼山臥北岡鄭莊場圃入微茫卽看花樹三春滿舊
數松風六月涼 蔬近井蜜分房茅齋堅坐有藜牀傍人
錯比揚雄宅笑煞韓家畫錦堂

三十

薄命妾
辭五首

複幕重簾十二樓而今塵土是西州香雲已失金鈿翠小
景猶殘畫扇秋 天也老水空流春山供得幾多愁桃花

一簇開無主儘著風吹雨打休

三十一

顏色如花畫不成命如葉薄可憐生浮萍自合無根蒂楊柳誰教管送迎雲聚散月虧盈海枯石爛古今情鴛鴦雙影江南岸腸斷枯荷夜雨聲

三十二

一日春光一日深眼看芳樹綠成陰娉婷盧女嬌無奈流落秋娘瘦不禁霜塞闊海煙沉燕鴻何地更相尋且教會得琴心了辭盡長門買賦金

三十三

玉立芙蓉鏡裏看，鉛紅無地著邊鸞。半衾幽夢香初散，滿
紙春心墨未乾。深院落，曲欄干，舊歡新恨紉衣寬。幾時
忘得分攜處，黃葉疏雲渭水寒。

三十四

百轉嬌鶯出畫籠，一雙胡蝶帶芳叢。蔥蘢花透纖纖月，黯
澹香搖細細風。情不盡，夢還空，歡緣心事淚痕中。長安
西望腸堪斷，霧閣雲窗又幾重。

三十五

山陽七聖
堂續增

沙岸縈回入草泥，霜餘煙景自悽迷。樹嫌川近重重掩，雲
要村深故故低。茅葢屋，稻分畦，何人今日此幽棲。十年

來往山陽道只道清溪過馬蹄

踏莎行

微步生塵殘妝暈酒朱門如海空回首東風正有去年華
柔條去作誰家柳 細雨春寒燈青夜久孤衾未煖還分
手夢中見也不多時怎生望得長相守

玉樓春

吹臺蕭瑟行雲暮一片雨聲連禁樹正當潘岳感秋時不
到杜陵懷古處 百年同是紅塵路行近醉鄉差有趣坐
中誰是獨醒人我醉欲眠卿可去

桃源憶故人

代贈長
佐所親

楚雲不似陽臺舊只是無心出岫竹外天寒翠袖寂寞啼
妝瘦 絃聲宛轉春風手殢得行人病酒明日西城回首
腸斷江南柳

虞美人

題蘇小
小圖

桐陰別院宜清晝入座春山秀美人圖子阿誰留都是宣
和名筆內家收 鶯鶯燕燕分飛後粉淡梨花瘦只除蘇
小不風流倒插一枝萱草鳳釵頭

二

櫻桃元是仙郎種次第芳菲動開殘山杏沒都紅一樹梨
花如雪月明中 三生蝶化南華夢只有情緣重曲欄幽

徑小簾櫳好共掃眉才子管春風

小重山

醉盡春風意未闌纏頭雙鳳錦覓端端多情胡蝶送歸鞍
揚州夢芍藥薦金槃羅幌酒醒寒燈前朱麝淺翠螺殘
一春心事紵衣寬青鸞客樓外日三竿

二

酒冷燈青夜不眠寸腸千萬里兩相牽鴛鴦秋雨半池蓮
分飛苦紅淚曉風前天遠鴈翩翩鴈來人北去遠如天
安排心事待明年無情月看待幾時圓

白水定風波

白水口田萬頃秋風煙平楚散羊牛莫放相公黃閣去留
取笑談尊俎也風流華表仙人人不識今夕鹿車也到
百花洲好把襄江都釀酒爲壽壽星光彩動南州

鄧帥漆水公壽

筵遼東大使君在焉大有道術時年九十三矣

二

白髮相看老弟兄恨無一語送君行至竟交情何處好向
道不如行道本無情少日龍門星斗近爭信淒涼湖海

寄餘生者舊風流誰復似從此休將文字占時名

楊叔能將歸瀛

州與予別於山陽作鷓鴣詞留贈云解后梁園對榻眠舊
游回首一淒然當時好客誰爲最李趙風流兩謫仙居接
棟稼鄰田與君詩酒度口年飄零南北如相避開歲
還分壠上泉因用其意答之李趙謂閑閑公與屏山

三三鄉光武廟懷
故人劉公景立

熊耳東原漢故宮登臨猶記往年同底事愛君詩句好解
道河山浮動酒盃中存沒悠悠三十載誰會白頭孤客
坐書空黃土英雄何處在須待醉尋蕭寺哭春風

四

離合悲歡酒一壺白頭紅頰醉相扶見說德星今又聚何
處范家亭上會周吳造物有情留此老人道洛西清燕
百年無六客不爭前與後好口龍眠老筆畫新圖

永甯范使君圖

亭會汝南周國器汾陽任亨甫北燕吳子英趙郡蘇君顯淄川李德之用東坡體擬六客詞

五

兒子阿中百晬日作續增

五色蓮盆玉雪肌青搽紅抹總相宜且道生男何足愛爭
奈隆顛犀角眼中稀 六十平頭年運好投老大兒都解
把鋤犁醉眼看花驢背上豪放阿齡扶路阿中隨

六 續增

何處如今更有詩爭教風鬢見橫枝詩到梅邊誰最似除
是玉顏寂寞酒清時 爲向雲間公子道聞早安排歡賞
惜幽姿十日留花花未遇容我醉圍紅袖寫烏絲

一落索

戲王同年鼎玉

人見何郎新來瘦不見天寒翠袖繡被薰香透幾時卻似
鴛鴦舊 九十日春光在手可惜歡緣未久去去休回首

柔條去作誰家柳

採桑子

兒家門戶重重掩
郎住牆東
枉破春工萬紫千紅
一夜風伯勞分背
西飛燕何日相逢
縱得相逢海闊天高
處處同

婆羅門引

望月

素蟾散彩九秋風
露發清妍
嫦娥儘有情緣
留著三五盈
盈永夜照憑肩
看晚妝臨鏡
若箇嬋娟
尋常月圓恨都
向別時偏幾度
郵亭枕上野店尊前
明珠玉秀算一日相
看一日仙人共月長似今年

二過孟津河山亭
故基續增

短衣匹馬白頭重過雒陽城百年一夢初驚寂寞高秋雲
物殘照半林明澹橫舟古渡落鴈寒汀 河山故亭人與
鏡兩崢嶸爭信黃墟此日深谷高陵一時朋輩謾留在窮
途阮步兵尊俎地誰慰飄零

三兗州龍興閣
感寓續增

嶧山霽雪九層飛觀鬱崢嶸風煙畫出新亭老眼來今往
古天地兩無情但浮雲平野短日蕪城 酒狂步兵書與
劍此飄零爲問雲間雞犬幾度丹成停盃不語竟何用干
秋身後名休自倚湖海平生

四亦名菊潭
秋續增

商於六里野潭千古口煙霞靈苗鬱鬱無涯浩蕩青冥風
露金素發清華散霜叢彌岸月影明沙 仙經浪誇種瑤
草養鉛砂爭信瓊盃芳薦藥鏡黃芽秋香晚節也分到山
中宰相家休更羨劉阮桃花

梅花引

牆頭紅杏粉光勻朱東鄰見郎頻腸斷城南消息未全真
拾得楊花雙淚落江水闊年年燕語新 見說金娘埋恨
處蒺藜沙草不知春離魂一雙鴛鴦去寂寞誰親唯有因
風委露託清塵月下哀歌宮殿古暮雲合遙出入翠顰

二同張仲經楊飛卿
賦青梅續增

綠華仙萼綵雲間
雪消殘擁香口隨意輕勻淺注儘高閑
向道是梅剛不信更誰占東風最上番
韻絕秀絕香又絕恨千山復千山
才情似記何郎句清淚班班寂寞孤村
籬落小溪灣脩竹蕭蕭霜月苦好留與青綾護曉寒

品令

幽齋向曉窗影動人聲悄
夢中行處數枝臨水幽花相照
把酒長歌猶記竹間啼鳥
風流易老更常被閑愁惱
年年春事大都探得歡游多少
一口狂風又是海棠過了

惜奴嬌

畫扇高秋恨塵暗秦王女渺東城春煙綠樹燕子來時應
解說征鞍處記取未忘得蘭膏香聚 枕上新聲斷腸是
江南句更行雲無心也住未了情緣算惟有相將去去枉
輕負梨花暮雨

烏衣怨

舊名點絳脣

香冷雲兜後期紅線知何許謝家兒女解得辭巢語 畫
棟珠簾恨不經年住恁恁去岸花汀樹寂寞瀟湘雨

二

繡佛長齋半生枉伴蒲團過酒壚橫臥一蹴虛空破 頗
笑張顛自謂無人和還知麼醉鄉天大少箇神仙我

江城子

賦牡丹

姚家池館魏家鄰，上番春。姓名新。傾國傾城，爲雨復爲雲。
水北水南無別物，金屑粉，麝香塵。折枝圖上看精神。見
來頻。畫來真。辦作黃徐，無負百年身。也待不來花下醉，嫌
笑殺洛陽人。

二 傲花間體
詠海棠

蜀禽啼血染冰鞋，趁花期。占芳菲。翠袖盈盈，凝笑弄晴暉。
比盡世間誰得似，飛燕瘦，玉環肥。一番風雨未應稀。怨
春遲。怕春歸。恨不高張紅錦，百重圍。多載酒來，連夜看嫌
化作彩雲飛。

三 釣壇見
嚴光傳

醉來長袖舞雞鳴
短歌行壯心驚
西北神州依舊一
新亭
三十六峰長劔在
星斗氣鬱崢嶸
古來豪俠數幽并
鬢星星竟何成
他日封侯編簡爲
誰青一掬釣魚壇
上淚風浩浩雨冥冥

四 寄德
新文

春風花柳日相催
浙江梅臘前開
開徧山桃恰口口
醪醖
商嶺東來三百里
紅作陣綠成堆
半山亭下釣魚臺
拂層崖坐蒼苔
林影湖光佳處兩
三盃恨殺玉溪王
老子忙箇甚不同來

五 送人歸
舊居

草堂蕭灑浙江頭，傍林邱買扁舟。
隔岸紅塵無路近，沙鷗枕上有書樽。
有酒身外事更何求。暮雲歸鳥仲宣樓，
弊貂裘爲誰留。千古書生那得盡，
封侯好在半山亭。下路聞未老去來休。

六 賦芍藥
揚州紅

司花著意壓春魁，綠雲堆擁香來。
冉冉紅鸞十步一徘徊。花到揚州佳麗種，
金作屋玉爲階。一作臺門前曙鼓揭春雷，
倚妝口儘人催。鶯語丁甯空繞百千迴，
不道惜花人欲去看直待幾時開。

七內鄉縣麻芳菊堂前大除醜架芳香絕異常年開時人有見素衣美婦迫視之無有也或者以爲花

神故
記之

纖條嫋嫋雪蔥龍翠陰重煖香融想是春工滿意與薰醲
百畹種蘭千畝蕙都辦作一簾風 花開人似玉芙蓉月
明中下瑤宮只恐行雲歸去捲花空賸著瓊盃斟曉露留
少住莫怱怱

入崧山
中作

眾人皆醉屈原醒笑劉伶酒爲名不道劉伶久已笑螟蠹
死葬糟邱殊不惡緣底事赴清冷 醉鄉千古一升平物
忘情我忘形相去羲皇不到一牛鳴若見三閭憑寄語尊

有酒可同傾

九

二更轟飲四更迴冥繁臺盡鄒枚誰念梁園回首便成灰
今古廢興渾一夢憑底物寄悲哀 青天蕩蕩鏡匳開月
光來且徘徊何用東生西沒苦相催世事悠悠吾老矣歌
一曲盡餘盃

十

夢德新丈因及欽叔
舊游河山亭在□□

河山亭上酒如川玉堂仙重留連尤恨春風桃李負芳年
長記鶯啼花落處歌扇後舞衫前 舊游風月夢相牽路
三千去無緣滅沒飛鴻一線入秋煙白髮故人今健否西

北望一潸然

十一

劉濟川來別同宿會康夢與予過田家飲行及太原作此爲寄濟川口昌諸孫在口上時乃與

伯玉知

幾游從

來鴻去鴈十年間
鏡中看各衰顏
恰待蒙泉東畔買青山
夢裏鄰村新釀熟
攜竹杖款柴關
人生誰得老來閑
記清歡見君難
長路悠悠回首暮雲還
斷嶺不遮南望眼
時爲我一憑欄

十二

觀別

旗亭誰唱渭城詩
酒盈卮兩相思
萬古垂楊都是折殘時
舊見青山青似染
綠底事淡無姿
情緣不到木腸兒
鬢

成絲更須辭只恨芙蓉秋露冷
臙脂爲問世間離別淚何
日是滴休時

十三

河堤煙樹渺雲沙七香車更天涯
萬古千秋幽恨入琵琶
想到都門南下望金縷暗玉釵斜
津橋春水浸紅霞上
陽花落誰家獨恨經年培養牡丹芽
寒鴈歸時憑寄語莫
容易損容華

十四

行雲冉冉度關山別時難見時難
悵望南風早晚送雲還
心事情緣千萬劫無計解玉連環
夕陽人影小樓閑曲

闌干晚風寒料得而今前後望歸鞍寂寞梨花枝上雨人
不見與誰彈

十五

杏花開過雪成團惜朱顏負清歡只道今年春意已闌珊
卻是地偏芳信晚紅數點小溪灣碧壺香供挽春還一
枝閑淡相看月落山空誰與護朝寒傳語春風留客好莫
容易便吹殘

十六

東原幕府諸公送予西湖行及陽穀作此爲寄

江山詩筆仲宣樓弊貂裘儘風流獨恨煙花三月出東州
愛煞津津亭口口無一語只相留來鴻去燕兩悠悠別

離愁幾時休得似孤城春水一沙鷗寄謝西湖追送客分
手地莫回頭

元遺山先生新樂府卷第三終

元遺山先生新樂府卷第四 讀書山房刻本

清平樂

杏花

香團嬌小拍拍知多少一樹鉛華春事了消甚珠圍翠繞
生紅鬧簇枯枝只愁吹破胭脂說與東風知道杏花不
看開時

二

游少室清
微宮雪溪

溪頭來去坐臥沿溪樹管甚人間無著處已被白雲留住
生平不置肝腸只今物我都忘說與山中魚鳥相親相
近何妨

三

泰山
上作

江山殘照落落舒清眺澗壑風來號萬竅盡入長松悲嘯
井蛙瀚海雲濤醢雞日遠天高醉眼千峰頂上世間多
少秋毫

四

罷鎮平歸
西山草堂

垂楊小渡處處歸鞍駐八十田翁良愧汝把酒千言萬語
細俟竹馬相從笑渠奔走兒童十里村簫社鼓依然傀
儡棚中

五

離腸宛轉瘦覺妝痕淺飛去飛來雙語燕消息知郎近遠
樓前小雨珊珊海棠簾幕輕寒杜宇一聲春去樹頭無

數青山

六

蘭膏香聚醉枕聞低語一刻春宵流水去訴得離情幾許

桃花紅淺紅深五年煙草歸心留得一枝春在爭教綠

葉成陰

七

香凝嬌聚玉立臨春樹細看司花留意處都在輕勻淺注

相逢南陌東城有情只似無情說與新來憔悴鶯兒不

解丁甯

八

憶鎮陽

悲歌聚散世事天誰管梳去梳來雙鬢短鏡裏看看雪滿
燕南十月霜寒孤身去住都難何日西窗燈火眼前兒
女團樂

九

丹書碧字細說金華事試問誰邊堪舉似除卻青蓮居士
胎仙八表冷風爭教低首樊籠夢裏雲裝煙駕倚天壇

影西東

十

嘲兒
子日

嬌鶯姪姪解說三生話試看青衫騎竹馬若箇張萱許畫
西家撞透煙樓東家談笑封侯莫道元郎小小明年部

曲黃牛

十一

贈句龍英孺家中女子阿
金張仲繼二女名蘭楚

瓊枝瑤草來自三山島
莫道生男堪慰老掌上金兒更好
一
臘脂杏蕾生紅繡襦學弄春風好
共蘭蘭楚楚畫教七

巧圖中

十二

光甫副使壽席鵝
雛指渠兒子阿咬

春風傾倒京雒春回早走馬章臺人未老
金翠鵝雛更好
安排美景良辰放教花柳攙新誰似君家池館又添丹

桂靈椿

十三

己亥春濟源奉
先觀付杏花

小橋流水一徑脩篁裏走馬章臺人老矣只愛明窗淨几
杏花白白紅紅花時日日狂風不是碧壺香供真成惱
破春工

浪淘沙

詩句入冥搜欲寫還休人間情是阿誰留千丈游絲不落
地風外悠悠 煙雨晚山稠人倚西樓衡陽歸鴈滿沙頭
一種江城寒夜客一種春愁

二

雲外鳳凰簫天上星橋相思魂斷欲誰招瘦煞三山亭畔
柳不似宮腰 長日篆煙消睡過花朝紅薔薇架碧芭蕉

雌蝶雄蜂天不管各自無聊

三

春瘦怯春衣春思低迷雨聲偏與睡相宜懊惱離愁尋殢
酒已被愁知 煙樹望中低水繞山圍丁甯雙燕語心期
昨夜狂風花在否明日郎歸

四

金翠畫屏山萬髻千鬟桃源樓閣五雲間恨煞芙蓉城下
客不借青鸞 風雨杏花殘芳意都闌一燈孤影小窗閑
繡被薰來香欲盡只是春寒

五

爲煙中
樹作

楊柳日三眠桃李爭妍千金誰許占芳年買得閑愁無著
處卻恨春偏流水武陵源夢引愁牽東風歸興燕翩翩
試問西窗前夜月幾度嬋娟

西江月

懸玉微風度曲薰爐熟水留香相思夜夜鬱金堂兩點春
山枕上楊柳宜春別院杏花宋玉鄰牆天涯春色斷人
腸更是高城晚望

古烏夜啼

玉簪

花中閑遠風流一枝秋只枉十分清瘦不禁愁人欲去
花無語更遲留記得玉人遺下玉搔頭

人月圓

立都觀裏桃千樹
花落水空流
憑君莫問情
涇濁消去馬
來牛
謝公扶病羊曇揮涕一醉都休
古今幾度生存華
屋零落山邱

二卜居外
家東園

重岡已隔紅塵斷
村落更年豐
移居要就窗中遠
岫舍後
長松
十年種木一年種穀
都付兒童老夫
唯有醒來明
月醉後清風

沁園春

除夕
二首

腐朽神奇夢幻吞
侵朝昏變遷
悵殘燈舊歲雞聲競
早春

風歸興鴈影相先南渡崩奔東屯留滯世事悠悠白髮邊
虛名誤徧人間浪走恰到求田 青紅花柳爭妍意醉眼
天公也放顛更雲雷怒捲頽波一注冰霜冷看老檜千年
園令家居陶潛官罷無酒令人意缺然教口去付青山枕
上明月尊前

二

再見新正去歲逐貧今年送窮算公田二頃誰如元亮吳
牛十角未比龜蒙面目堪憎語言無味五鬼行來此病同
齋鹽裏似揚雄寂寞韓愈龍鍾 何人炮鳳烹龍且莫笑
先生飯甑空便來朝看鏡都無勳業拈將詩筆猶有神通

花柳橫陳江山呈露盡入經營慘澹中閑身在看薄批明月細切清風

太常引

五雲樓觀日華東看天上建章宮入海混魚龍比自古中原更雄紫垣星月禁階燈火朝馬鬧晨鐘一夢轉頭空
况猶在邯鄲道中

二

渚蓮寂寞倚秋煙幽思入哀絃高樹記離筵似昨日郵亭道邊白頭青鬢舊游新夢相對兩淒然驕馬弄金鞭也

曾是長安少年

官街楊柳絮飛忙
鞍馬送年芳
詩興更教狂
算能醉花前
幾場
滿城桃李一枝香
雪不屬富家郎
風雨沒商量
快
來與梨花洗妝

四

東原上清宮同楊飛卿夜話
汝梁舊遊追懷欽叔內翰

十年流水共行雲
相見重情親
滄海坐揚塵
便疑是前身
後身
風臺月謝舞裙歌
扇樂事幾回新
莫話洛陽春
更
誰似金鑿故人

五

寄酒泉帥張奧子明子明鄂
陽關去酒泉百里而遠故云

田園松菊自由身
鞍馬老紅塵
鵝鴨惱比鄰
算未羨凌煙

寫真 花時風雨長年哀樂白髮爲誰新
休唱渭城春怕憶著西州故人

六

水光林影入憑欄花柳占春寬
三月錦成團爲洗盡山陰暮寒
玉峰詩老爲君吟嘯不醉有餘歡
人物後來看口畫作臨流幼安

七

東園歌管日相娛佳釀出兵廚
陶寫在桑榆便鶴到揚州未如
歌紅濃露綠陰清吹長口下樓
居高枕卽吾廬更何待將軍報書

水龍吟

少年射虎名豪等閑赤羽千夫膳金鈴錦領平原千騎星
流電轉路斷飛潛霧隨騰沸長圍高掩看川空谷靜旌旗
動色得意似平生戰城月迢迢鼓角夜如何軍中高宴
江淮草木中原狐兔先聲自遠蓋世韓彭可能只辦尋常
鷹犬問元戎早晚鳴鞭徑去解天山箭

二
秋

舊家八月池臺露華涼冷金波漲甯王玉笛霓裳仙譜涼
州新釀一枕開元夢恍猶記華清天上對昆明火冷蓬萊
水淺新亭淚空相向爛熳東原此夕夜如何高秋空曠

一杯徑醉憑君莫問今來古往萬里孤光五湖高興百年
清賞倩何人喚取飛瓊佐酒作穿雲唱

三中
秋

素凡何處飛來照人只是承平舊兵塵萬里家書三月無
言搔首幾許光陰幾回歡聚長教分手口婆娑桂樹多應
笑我憔悴似金城柳不愛竹西歌吹愛空山玉壺清晝
尋常夢裏膏車盤谷挈舟方口不負人生口來唯有中秋
重九願年年此夕團樂兒女醉山中酒

四同德秀
游盤谷

接雲千丈層崖古來此地風煙好青山得意十分濃秀都

將傾倒可恨孤峰幾回空見松筠枯槁自都門送別膏車
秣馬誰更問一作盤中道我愛陂塘南畔小川平橫岡
迴抱野麋山鹿平生心在長林豐草婢織奴耕歲時供我
酒船茶竈把人間萬事從頭放下只山間老

五

百年同是行人醉鄉獨有歸休地此心安處良辰美景船
船稱遂力士鎗頭舒州杓畔不妨遊戲算爲狂爲隱非狂
非隱人誰解先生意莫笑糊塗老眼幾回看紅輪西墜
一杯到手人間萬事俱然少味范蠡張良儘他驚怪陳搏
貪睡且陶陶兀兀今朝醉了更明朝醉

六

東園
醉後

兩年金鳳城邊等閑又見東風菜侯門慣客東園高宴青
雲飛蓋水上幽亭恍然真似蘭舟同載望紅樓翠壁青田
白鷺誰信是山陰塞 鬱鬱林梢紫動便安排春來天外
醉魂搖蕩尊前何恨狂香浩態高枕吾廬倒衣命駕心期
長在爲使君料理潘郎老鬢儘花枝戴

七

漢家金粟堆空玉花驚見天池種并州畫角危腸淒斷清
霜曉弄世事浮雲白衣蒼狗知誰搏控恨北平老守南山
夜獵風雨暗貂裘重 總道煙霄失路意平生依然飛動

高城置酒汾流澹澹無言目送寶劍千金儘堪傾倒玻璃
春甕問波神贖借橫江組練挽青絲夢

眼兒媚

阿儀醜筆學雷家繞口墨糊塗

音茶

今口解道疏籬凍雀遠

樹昏鴉乃公行坐文書裏面雛鬢生華兒郎又待吟詩
寫字是甚生涯

木蘭花慢

孟津官舍寄欽若欽
用昆弟并長安故人

流年春夢過記書劍入西州對得意江山十千沽酒著處
歡游興亡事天也老儘消沈不盡古今愁落日霸陵原上
野煙凝碧池頭風聲習氣想風流終擬覓菟裘待射虎

南山短衣匹馬騰踏清秋黃塵道何時了料故人應也怪
遲留只問寒沙過鴈幾番王粲登樓

二

擁都門冠蓋瑤口秀轉春暉悵華屋生存山邱零落事往
人非追口舊家誰在但千年遼鶴去還歸繫馬鳳凰樓柱
倚弓玉女窗扉江頭花落亂鶯飛南望裏依依渺天際
歸舟雲間汀樹水繞山圍相期更當何處算古來相接眼
中稀寄與蘭成新賦也應爲我沾衣

三

賦招魂九辨一尊酒與誰同對零落棲遲興亡離合此意

何窮怱怱百年世事意功名多在黑頭公喬木蕭蕭故國
孤鴻澹澹長空 門前花柳又春風醉眼眩奇紅問造物
何心村簫社鼓奔走兒童天東故人好在莫生平豪氣滅
元龍夢到琅邪臺上依然湖海沈雄

四

對西山搖落又匹馬過并州恨秋鴈年年長空澹澹事往
情留白頭幾回南北竟何人談笑得封侯愁裏狂歌濁酒
夢中錦帶吳鉤 嚴城笳鼓動高秋萬竈擁貔貅覺全晉
山河風聲習口未減風流風流故家人物慨中宵拊枕憶
同遊不用聞雞起舞且須乘月登樓

五 遊三臺
二首

擁巖巖雙闕龍虎氣鬱崢嶸想暮雨珠簾秋香桂樹指顧
臺城□□爲誰西望但哀絃淒斷似平生只道江山如畫
爭教天地無情 風雲奔走十年兵慘澹入經營問對酒
當歌曹侯墓上何用虛名青青故都喬木限西陵遺恨幾
時平安得參軍健筆爲君重賦蕪城

六

渺漳流東下流不盡古今情記海上三山雲間雙闕當日
南城黃星幾年飛去澹春陰平野草青青冰井猶殘石甃
露槃已失金莖 風流千古短歌行慷慨缺壺聲想醜酒

臨江賦詩鞍馬詞氣縱橫飄零舊家王粲似南飛烏鵲月
三更笑煞西園賦客壯懷無復平生

七

送親家又
問夢綱

又東門送客側身西望長嗟算萬里功名幾番風雨何限
雲沙相看已過半百甚年年各在一天涯秋氣偏催過鴈
疏煙細點歸鴉 旌旗未卷鬢先華清淚落悲笳問蜀道
登天錦城雖好得似還家關心老來婚嫁要與余鄰屋共
煙霞到口征西車馬輸他杜曲桑麻

八

送取新歸隱山陽
兼簡玉川同社

澹西園暮景對別酒惜臨分愛襖被中臺挂冠神武誰得

如君紛紛道途鞍馬甚當時王粲也從軍處處驚烏夜月
年年落鴈橫汾菟裘老計在耕耘風口出塵氛記沁北
丹東松枯石潤菊秀蘭薰林泉竟輸先手漫回頭慚愧玉
山雲寄謝雞豚社客草堂未要移文

九

贈吹簫者張嘴兒暨
乃婦田氏合曲賦此

要新聲陶寫奈聲外有聲何愴銀字安清珠繩瑩滑怨感
相和風流故家人物記諸郎吹管念奴歌落日邯鄲老樹
秋風太液滄波十年燕市重經過鞍馬宴鳴珂趁飢鳳
微吟嬌鶯巧囀紅卷鈿螺纏頭斷腸詩句似鄰舟一聽惜
蹉跎休唱貞元舊曲向來朝士無多

洞仙歌

以下新續
從詞綜補

黃塵鬢髮六月長安道羞向清溪照枯槁似山中遠志謾
出山來成箇甚只是人間小草昇平十二策丞相封侯
說與高人應笑倒對清風明月展放眉頭長恁地大醉高
歌也好待都把功名付時流只求箇天公放教空老

青玉案

代贈欽叔所
親樂府憚生

苧蘿坊裏青驄駐愛鸚鵡垂簾語一捻嬌春能幾許寒梅
欲動小桃初放恰是關心處西城流水東城雨綠葉成
陰慣相誤只恐韶華容易去一聲金縷一卮芳酒且爲花
枝住

鵲橋仙

梨花春暮垂楊秋晚歸袖無人重挽浮雲流水十年間算
只有青山在眼 風臺月榭朱脣檀板多病全疏酒盞劉
郎爭得似當時比前度心情又減

點絳脣

醉裏春歸綠窗猶唱留春住問春何處花落鶯無語 渺
渺子懷漠漠煙中樹西樓暮一簾疏雨夢裏尋春去

元遺山先生新樂府卷第四終